

PROGRAM
javne rasprave o Nacrtu Zakona o osnivanju Javne ustanove
Institut za društvena i religijska istraživanja u Tuzli

Javna rasprava o Nacrtu Zakona o osnivanju Javne ustanove Institut za društvena i religijska istraživanja u Tuzli provest će se na sljedeći način:

Na tekst Nacrta Zakona o osnivanju Javne ustanove Institut za društvena i religijska istraživanja u Tuzli prijedloge, primjedbe, sugestije i mišljenja mogu dostaviti sljedeći subjekti:

1. Sva ministarstva u Vladi Tuzlanskog kantona i
2. Naučnoistraživačke organizacije sa područja Tuzlanskog kantona upisane u Registar naučnoistraživačkih organizacija Ministarstva obrazovanja i nauke.

Svoje primjedbe, prijedloge, sugestije i mišljenja učesnici javne rasprave dostavit će Ministarstvu obrazovanja i nauke Tuzlanskog kantona u roku od 10 dana od dana utvrđivanja Nacrta Zakona o osnivanju Javne ustanove Institut za društvena i religijska istraživanja u Tuzli od strane Skupštine Tuzlanskog kantona, na adresu Fra Grge Martića broj 8, Tuzla – Centralna pisarnica kantonalnih organa Tuzlanskog kantona.

Učesnici javne rasprave će o početku javne rasprave i tekstu Nacrta Zakona o osnivanju Javne ustanove Institut za društvena i religijska istraživanja u Tuzli biti obaviješteni putem internet stranice Vlade Tuzlanskog kantona (www.vladatk.kim.ba) i internet stranice Ministarstva obrazovanja i nauke Tuzlanskog kantona (www.montk.gov.ba).

Po isteku roka za dostavljanje primjedbi, prijedloga, sugestija i mišljenja, organizovat će se rasprava na Okruglom stolu, nakon čega će Ministarstvo obrazovanja i nauke Tuzlanskog kantona sumirati rezultate javne rasprave i sačiniti izvještaj o provedenoj javnoj raspravi, nakon čega će Vlada Tuzlanskog kantona utvrditi Prijedlog Zakona o osnivanju Javne ustanove Institut za društvena i religijska istraživanja u Tuzli i isti uputiti u dalju skupštinsku proceduru na usvajanje.

Rasprava na Okruglom stolu održat će se u prostorijama Ministarstva obrazovanja i nauke Tuzlanskog kantona ili na drugoj odgovarajućoj lokaciji, o čemu će svi zainteresovani subjekti biti obaviješteni putem internet stranice Ministarstva obrazovanja i nauke Tuzlanskog kantona (www.montk.gov.ba).

MINISTARSTVO OBRAZOVANJA I NAUKE